

## ACORDO DE 17 DE DECEMBRO DE 2019 POLO QUE SE ENCARGA Á FUNDACIÓN DA UNIVERSIDADE DA CORUÑA TAREFAS DE APOIO PARA O PROGRAMA FINANZAS PARA MORTAIS

### ANTECEDENTES

**PRIMEIRO.** O Consello Social co fin de impulsar a estratexia de desenvolvemento da UDC e de favorecer a súa interrelación coa sociedade, impulsa proxectos de formación, divulgación e transferencia en entornos de colaboración universidade empresa.

**SEGUNDO.** A FUAC ven encargándose da xestión técnica, económica e administrativa de programas de xestión delegada, contando cunha axeitada estrutura organizativa, capacidade de escalado do seu servizo e o coñecemento especializado requirido.

**TERCEIRO.** A FUAC dende a súa creación, en 1997, ven desenvolvendo iniciativas e acumulando experiencia con entidades públicas e privadas, a nivel autonómico, estatal e europeo, tendo a capacidade e os recursos axeitados para impulsar a transferencia de coñecemento da UDC, e apoiar a xestión dos grupos e servizos da UDC.

**CUARTO.** Segundo o artigo décimo terceiro dos Estatutos da Fundación da Universidade da Coruña (en adiante FUAC), establécese que a FUAC é un medio propio instrumental e servizo técnico da Universidade da Coruña (en adiante UDC), considerándose á relación da FUAC coa UDC, para todos os efectos, de carácter interno, dependente e subordinado, e articulándose a través de encargos, de conformidade co previsto na Lei de contratos do sector público (LCSP).

**QUINTO.** O Consello Social da UDC, promove a iniciativa “Finanzas para Mortais” sendo este un programa de formación co obxectivo de achegar a economía e as finanzas á sociedade combinando sesións presenciais e o uso de novas tecnoloxías.

**SEXTO.** O Consello Social da UDC, propón a xestión técnico, administrativa e económica do citado programa conforme ao seguinte

### ENCARGO DE XESTIÓN

**PRIMEIRO.** O presente encargo baséase no artigo 32 da LCSP tendo, polo tanto, un carácter obrigatorio para a FUAC quen deberá aceptala e executala conforme ás instrucións técnicas e académicas dadas pola UDC, para a interpretación dos traballos encomendados e o seguimento destes.

**SEGUNDO.** As actuacións a realizar pola FUAC obxecto do presente encargo, así como os requisitos para as mesmas son a de dar apoio técnico, administrativo e económico para a realización do programa.

**TERCEIRO.** A dirección do programa corresponde ao Consello Social da UDC, e será o responsable da calidade técnica do servizo prestado.

**CUARTO.** O orzamento para a execución do presente encargo ascende a CINCO MIL NOVECENTOS VINTENOVE EUROS (5.929,00 €). Consonte a Lei 28/2014, que modifica a Lei 37/1992 do Imposto sobre o Valor Engadido (IVE) as contías derivada dos encargos realizados de conformidade co disposto na LCSP non están suxeitas ao imposto sobre o valor engadido (IVE).

| Código Seguro De Verificación | kvw1Xqq8UWokSbLGwHqD2w==  | Estado  | Data e hora         |
|-------------------------------|---|---------|---------------------|
| Asinado Por                   | Julio Ernesto Abalde Alonso - Reitor  | Asinado | 18/12/2019 14:08:58 |
|                               | Antonio Abril Abadín - Presidente Do Consello Social  | Asinado | 17/12/2019 18:51:30 |
| Observacións                  |   | Páxina  | 1/3                 |
| Url De Verificación           | <a href="https://sede.udc.gal/services/validation/kvw1Xqq8UWokSbLGwHqD2w==">https://sede.udc.gal/services/validation/kvw1Xqq8UWokSbLGwHqD2w==</a> |         |                     |



**QUINTO.** O abonamento da cantidade estipulada realizarase previa xustificación de:

- Tarefas realizadas. Serán xustificadas cun informe da dirección dos programas das enquisas de satisfacción dos participantes no programa.
- Gastos Directos. Representarán o 85% da contía do encargo e poderán estar formados por facturas ou gastos de persoal dedicado ao programa (nóminas, seguros sociais, etc). Serán xustificadas cunha certificación dos gastos efectivamente realizados e que figuren contabilizados.
- Gastos Xerais. Da contía indicada, o importe dos gastos xerais será do 15 % do total do importe, desglosado tal como se indica de seguido:
  - 7,5% para as tarefas de coordinación por parte do Consello Social
  - 2,5% para as tarefas de xustificación e xestión documental.
  - 5% para a xestión económica.

Ditas certificacións serán remitidas en prazo e forma á unidade designada segundo a cláusula terceira do presente encargo.

A FUAC conservará todos os documentos xustificativos do gasto directo, quedando debidamente custodiados e á disposición da UDC en canto en tanto poidan ser obxecto de actuacións de comprobación e control.

Os gastos xerais indicados ata o 15% non requirirán xustificación.

**SEXTO.** A UDC poderá realizar as labores de inspección, comprobación ou seguimento que considerar oportuno sobre á realización dos traballos do encargo.

**SEPTIMO.** O presente encargo quedará condicionado á dispoñibilidade de crédito axeitado e suficiente nos orzamentos da entidade designada como dirección do proxecto .

**SÉPTIMO.** Nas súas actuacións xerais, organizativas e de apoio para o desenvolvemento das actuacións encomendadas, a FUAC empregará o galego, podendo utilizar para conformidade lingüística o Servizo de Normalización Lingüística da UDC.

**OITAVO.** A realización do encargo non suporá a existencia dunha relación funcional ou laboral do persoal da FUAC dedicado ao programa “Finanzas para Mortais” coa UDC.

**NOVENO.** É obriga da FUAC a información e publicación do presente encargo na súa páxina web.

**DÉCIMO.** A vixencia do presente encargo rematará cando as actuacións obxecto da presente encomenda sexan realizadas e debidamente xustificadas, en todo caso antes do 31 de decembro do 2020. O presente encargo non poderá ser prorrogado.

**UNDÉCIMO.** Corresponde á UDC e ao seu Consello Social á interpretación do presente encargo así como resolver as posibles discrepancias que puidesen xurdir na súa execución.

Por todo o indicado,

|                                      |   |               |                     |
|--------------------------------------|---|---------------|---------------------|
| <b>Código Seguro De Verificación</b> | kww1Xqq8UWokSbLGwHqD2w==  | <b>Estado</b> | <b>Data e hora</b>  |
| <b>Asinado Por</b>                   | Julio Ernesto Abalde Alonso - Reitor  | Asinado       | 18/12/2019 14:08:58 |
|                                      | Antonio Abril Abadín - Presidente Do Consello Social  | Asinado       | 17/12/2019 18:51:30 |
| <b>Observacións</b>                  |   | <b>Páxina</b> | 2/3                 |
| <b>Url De Verificación</b>           | <a href="https://sede.udc.gal/services/validation/kww1Xqq8UWokSbLGwHqD2w==">https://sede.udc.gal/services/validation/kww1Xqq8UWokSbLGwHqD2w==</a> |               |                     |





## ACÓRDASE

**PRIMEIRO.** Encargar á FUAC as actuacións referidas no apartado SEGUNDO do presente encargo relacionados co fornecemento do Programa Finanzas para Mortais do Consello Social da UDC para a prestación de servizos de apoio á xestión técnica, económica e administrativa do programa.

**SEGUNDO.** O orzamento para ditas actuacións ascende á cantidade CINCO MIL NOVENTOS VINTENOVE EUROS (5.929,00 €). Este importe non esta suxeito a IVE e financiarase con cargo a partida orzamentaria do Consello Social que se detalla a continuación: 1100 111A 227.12 Consultoría e asesoramento externo/Contratación de servizos. Trátase dun expediente de tramitación anticipada suxeito á aprobación do orzamento prorrogado do 2019 para o 2020.

A Coruña, 17 de decembro de 2019

O Reitor da Universidade da Coruña

O Presidente do Consello Social

Julio Ernesto Abalde Alonso

Antonio Abril Abadín

| Código Seguro De Verificación | kvw1Xqq8UWokSbLGwHqD2w==  | Estado  | Data e hora         |
|-------------------------------|---|---------|---------------------|
| Asinado Por                   | Julio Ernesto Abalde Alonso - Reitor  | Asinado | 18/12/2019 14:08:58 |
|                               | Antonio Abril Abadín - Presidente Do Consello Social  | Asinado | 17/12/2019 18:51:30 |
| Observacións                  |   | Páxina  | 3/3                 |
| Url De Verificación           | <a href="https://sede.udc.gal/services/validation/kvw1Xqq8UWokSbLGwHqD2w==">https://sede.udc.gal/services/validation/kvw1Xqq8UWokSbLGwHqD2w==</a> |         |                     |

